



- SENAT -

Broj: 01-2020/17

Sarajevo, 29. 03. 2017. godine

Z A P I S N I K
SA 6. REDOVNE SJEDNICE SENATA
ODRŽANE 29. 03. 2017. GODINE

Prisutni članovi Senata: prof. dr. Rifat Škrijelj, rektor, prof. dr. Aida Hodžić, prof. dr. Aleksandra Nikolić, prof. dr. Maida Čohodar-Husić i prof. Zijad Mehić, prorektori, prof. Marina Finci, prof. dr. Mersad Čuljević, prof. mr. Mevludin Zečević, doc. dr. Jasmina Selimović (po ovlaštenju), prof. dr. Samim Konjicija, prof. dr. Zuhdija Hasanović, prof. dr. Nedžad Korajlić, prof. dr. Saćir Filandra, prof. dr. Husnija Kajmović, doc. dr. Azra Ferizović (po ovlaštenju), prof. dr. Dijana Avdić, prof. dr. Davora Završnik, prof. dr. Salih Fočo, prof. dr. Mustafa Hrasnica, doc. dr. Pavle Mijović (po ovlaštenju), prof. dr. Izet Bijelonja, prof. dr. Almira Hadžović-Džuvo, prof. dr. Senad Kazić, prof. dr. Fatih Destović, prof. dr. Zlatan Sarić, prof. dr. Hajrija Sijerčić-Čolić, prof. dr. Mustafa Memić, prof. dr. Muhamed Ajanović, prof. dr. Hajrudin Beširović (po ovlaštenju), prof. dr. Nezir Krčalo, prof. dr. Naris Pojskić, dr. sc. Senija Milišić, dr. sc. Adnan Kadrić, dr. sc. Rasim Muratović, dr. sc. Alen Kalajdzija, te predstavnici Studentskog parlamenta Univerziteta u Sarajevu: Mirela Mujović, student drugog ciklusa studija Fakulteta za kriminalistiku, kriminologiju i sigurnosne studije, Lamija Hasković, student prvog ciklusa studija Muzičke akademije, Lejla Lasić, student trećeg ciklusa studija Prirodno-matematičkog fakulteta, i Mirza Ibrahimović, student drugog ciklusa studija Fakulteta sporta i tjelesnog odgoja.

Ostali prisutni: dr. sc. Suvad Konaković, generalni sekretar Univerziteta u Sarajevu, i prof. dr. Jasminka Gradašćević-Sijerčić, predsjednica Odbora za normativna pitanja Univerziteta u Sarajevu.

Odsutni članovi Senata: prof. dr. Željko Šain, prorektor, prof. dr. Mirza Dautbašić, Haris Zahiragić, predsjednik SPUS-a, Nadira Alimanović, student prvog ciklusa studija Elektrotehničkog fakulteta, Bakir Ganić, student prvog ciklusa studija Šumarskog fakulteta.

Sjednica je počela sa radom u 10:00 sati.

Predsjedavao je rektor prof. dr. Rifat Škrijelj, na čiji je prijedlog usvojen sljedeći

D N E V N I R E D**1. Usvajanje zapisnika sa:**

- a) 5. redovne sjednice Senata od 22. 02. 2017. godine i
 - b) 3. tematske sjednice Senata od 20. 03. 2017. godine
2. a) Izbori u akademska i naučna zvanja
- b) Raspisivanje konkursa za izbor akademskog osoblja
 - c) Angažman akademskog osoblja sa drugih univerziteta
 - d) Plan realizacije nastave sa listom nastavnika
3. Doktorati nauka
4. a) Saglasnosti na nastavne planove i programe
- b) Realizacija konkursa za upis kandidata na treći ciklus studija (doktorski studij)
 - c) Prijedlog visine participacije troškova drugog ciklusa studija „Softver inženjering“ na Odsjeku za računarstvo i informatiku Elektrotehničkog fakulteta Univerziteta u Sarajevu
5. Odbor za normativna pitanja
- a) Mišljenje o tekstu Prednacrtu Pravilnika o radu Univerziteta u Sarajevu
 - b) Iniciranje donošenja općih akata o unutrašnjoj organizaciji i sistematizaciji radnih mjesta Univerziteta/organizacionih jedinica
- Izvjestilac:** prof. dr. Hajrija Sijerčić-Čolić, članica Odbora
6. Odbor za upravljanje kvalitetom
- a) Prijedlog Plana rada Odbora za upravljanje kvalitetom na Univerzitetu u Sarajevu za 2017. godinu
 - b) Prijedlog Pravilnika za osiguranje kvaliteta Univerziteta u Sarajevu
 - c) Prijedlog Odluke o pokretanju postupka 5. interne institucionalne evaluacije Univerziteta u Sarajevu
 - d) Prijedlog Odluke o davanju saglasnosti na uspostavu sistema osiguranja i sistema upravljanja kvalitetom na Univerzitetu u Sarajevu
- Izvjestilac:** prof. dr. Maida Čohodar-Husić, prorektorica za kvalitet Univerziteta u Sarajevu
7. Nacrt Prijedloga teksta Pravilnika o zaštiti stečenih prava u pogledu akademskih titula, naučnih i stručnih zvanja na Univerzitetu u Sarajevu
- Izvjestilac:** prof. dr. Šaćir Filandra, predsjednik Komisije
8. Izvještaj Komisije za utvrđivanje izmjena i dopuna Jedinstvenog pravilnika o plaćama i naknadama osoblja Univerziteta u Sarajevu od 20. 03. 2017. godine
- Izvjestilac:** prof. dr. Željko Šain, prorektor za finansije Univerziteta u Sarajevu, predsjednik Komisije
9. Imenovanje komisije za utvrđivanje visine cijene koštanja studija po studentu na Univerzitetu u Sarajevu
- Izvjestilac:** prof. dr. Rifat Škrijelj, rektor Univerziteta u Sarajevu
10. Izmjene i dopune Spiska akademskih titula, naučnih i stručnih zvanja koja se mogu stjecati na visokoškolskim ustanovama u Kantonu Sarajevo koje se odnose na Univerzitet u Sarajevu (zaključno sa martom 2017. godine)
- Izvjestilac:** prof. dr. Aida Hodžić, prorektorica za nastavu i studentska pitanja Univerziteta u Sarajevu

11. Registar studijskih programa Univerziteta u Sarajevu
Izvjestilac: prof. dr. Aida Hodžić, prorektorica za nastavu i studentska pitanja Univerziteta u Sarajevu
12. Mjere za sprečavanje plagijarizma
Izvjestilac: prof. dr. Maida Čohodar-Husić, prorektorica za kvalitet Univerziteta u Sarajevu
13. Popis nedostajućih općih akata na Univerzitetu u Sarajevu i općih akata koji su u postupku izrade
Izvjestilac: dr. sc. Suvad Konaković, generalni sekretar Univerziteta u Sarajevu
14. Međunarodna saradnja
Izvjestilac: prof. dr. Aleksandra Nikolić, prorektorica za međunarodnu saradnju Univerziteta u Sarajevu
15. a) Izvještaj Komisije za provođenje postupka priznavanja inozemnih visokoškolskih kvalifikacija
b) Žalba na Rješenje o akademskom priznavanju Filozofskog fakulteta Univerziteta u Sarajevu; podnosilac: Miloš Stanković
Izvjestilac: prof. dr. Aida Hodžić, prorektorica za nastavu i studentska pitanja Univerziteta u Sarajevu
16. Studentska pitanja
17. Izmjena Akademskog kalendara Univerziteta u Sarajevu za studijsku 2016/2017. godinu
18. Informacije
a) Dopis Ministarstva za obrazovanje, nauku i mlade Kantona Sarajevo broj: 11-05-38-sl/17 od 21. 02. 2017. godine upućen Pedagoškom fakultetu, Akademiji likovnih umjetnosti, Fakultetu sporta i tjelesnog odgoja i Muzičkoj akademiji Univerziteta u Sarajevu

T O K S J E D N I C E

Ad-1.

Jednoglasno i bez primjedbi usvojeni su zapisnici sa 5. redovne sjednice Senata od 22. 02. 2017. godine i 3. tematske sjednice Senata od 20. 03. 2017. godine.

Ad-2.

- a) U skladu sa **Zakonom o visokom obrazovanju Kantona Sarajevo i Statutom Univerziteta u Sarajevu, Senat Univerziteta u Sarajevu izvršio je izbor u akademska i naučna zvanja, kako slijedi:**

AKADEMIJA SCENSKIH UMJETNOSTI

2.1. Erol Zubčević u zvanje vanrednog profesora za oblast *audiovizuelne umjetnosti*.

2.2. Zoran Mlinarević u zvanje docenta za oblast *dramaturgija*.

EKONOMSKI FAKULTET

2.3. Dr. Ljiljan Veselinović u zvanje docenta za oblast *mikroekonomija*.

ELEKTROTEHNIČKI FAKULTET

2.4. Vahid Helać, MA, u zvanje asistenta za oblast *elektroenergetika*.

2.5. Nina Slamnik, MA, u zvanje asistenta za oblast *telekomunikacije*.

FAKULTET ISLAMSKIH NAUKA

2.6. Dr. Orhan Bajraktarević u zvanje vanrednog profesora za oblast *islamska filozofija*.

FAKULTET ZA KRIMINALISTIKU, KRIMINOLOGIJU I SIGURNOSNE STUDIJE

2.7. Dr. Dina Bajraktarević-Pajević u zvanje vanrednog profesora za oblast *kriminalistika*.

FAKULTET SPORTA I TJELESNOG ODGOJA

2.8. Dr. Munir Talović u zvanje redovnog profesora za oblast *organizacija i upravljanje u sportu*.

2.9. Dr. Rasim Lakota u zvanje vanrednog profesora za oblast *timski sportovi*.

2.10. Dr. Almir Mašala u zvanje vanrednog profesora za oblast *organizacija i upravljanje u sportu*.

2.11. Dr. Edin Mirvić u zvanje vanrednog profesora za predmet *Vaterpolo*.

2.12. Dr. Faris Rašidagić u zvanje vanrednog profesora za oblast *metodika i metodologija u sportu*.

FILOZOFSKI FAKULTET

2.13. Dr. Merima Osmankadić u zvanje vanrednog profesora za oblast *anglistika* na Odsjeku za anglistiku.

2.14. Nermina Čordalija, MA, u zvanje asistenta za oblast *anglistika* na Odsjeku za anglistiku.

2.15. Dr. Emina Dedić-Bukvić u zvanje docenta za oblasti *opća pedagogija, komparativna pedagogija, posebne pedagogije i interdisciplinarno područje* na Odsjeku za pedagogiju.

2.16. Dr. Dženeta Camović u zvanje docenta za oblasti *opća pedagogija i posebne pedagogije* na Odsjeku za pedagogiju.

2.17. Feđa Kulenović u zvanje asistenta za oblast *bibliotekarstvo* na Odsjeku za komparativnu književnost i bibliotekarstvo.

2.18. Ana Lalić, MA, u zvanje asistenta za oblast *italijanski jezik* na Odsjeku za romanistiku.

2.19. Dženana Hajdarpašić u zvanje asistenta za oblast *ruski jezik* na Odsjeku za slavenske jezike i književnosti.

MAŠINSKI FAKULTET

2.20. Dr. Muris Torlak u zvanje vanrednog profesora za oblast *procesno, energetska i okolinska inženjerstvo*.

2.21. Dr. Marin Petrović u zvanje vanrednog profesora za oblast *mehanika krutog i deformabilnog tijela*.

MEDICINSKI FAKULTET

2.22. Dr. Haris Pandža u zvanje višeg asistenta za predmet *Medicinska informatika*.

POLJOPRIVREDNO-PREHRAMBENI FAKULTET

2.23. Dr. Vedad Falan u zvanje docenta za oblast *mikroekonomika poljoprivrede i prehrambene industrije*.

2.24. Dr. Nermin Rakita u zvanje docenta za oblast *poljoprivredna mehanizacija*.

PRAVNI FAKULTET

2.25. Darko Soldat, BA, u zvanje asistenta za oblast *međunarodno privatno pravo*.

STOMATOLOŠKI FAKULTET SA KLINIKAMA

2.26. Dr. Azra Jelešković u zvanje asistenta za oblast *ortodoncija*.

VETERINARSKI FAKULTET

2.27. Dr. Dunja Rukavina u zvanje vanrednog profesora za oblast *temeljne nauke veterinarske medicine*.

INSTITUT ZA GENETIČKO INŽENJERSTVO I BIOTEHNOLOGIJU

2.28. Semir Dorić, MA, u zvanje višeg stručnog saradnika za oblast *bioinformatika i molekularna biologija*.

ORJENTALNI INSTITUT

2.29. Dr. Muamer Hodžić u zvanje naučnog saradnika za oblast *historija osmanskog perioda*.

- b) Donesene su odluke o raspisivanju konkursa za izbore akademskog osoblja na: Fakultetu političkih nauka, Filozofskom fakultetu, Medicinskom fakultetu, Pravnom fakultetu, Prirodno-matematičkom fakultetu i Veterinarskom fakultetu Univerziteta u Sarajevu.
- c) Data je saglasnost na angažman akademskog osoblja sa druge visokoškolske ustanove na: Fakultetu sporta i tjelesnog odgoja, Filozofskom fakultetu, Muzičkoj akademiji i Pedagoškom fakultetu Univerziteta u Sarajevu.
- d) Data je saglasnost na izmjene i dopune plana realizacije nastave sa listom nastavnika na: Filozofskom fakultetu i Prirodno-matematičkom fakultetu Univerziteta u Sarajevu, uz obavezu sačinjavanja prečišćenog teksta plana realizacije nastave u skladu sa dosadašnjim izmjenama i dopunama koje su verifikirane na Senatu.

Ad-3.

Doktorati – predbolonjski

FILOZOFSKI FAKULTET

3.1. Data je saglasnost na izmjenu mentora pri izradi doktorske disertacije kandidata mr. Gorana Behmena pod naslovom *Državnost srednjovjekovne Bosne kao historiografski problem u 19. i 20. stoljeću*.

Doktorati – treći ciklus studija (doktorski studij)

Jednoglasno su donesene odluke kojima se obrazuju sljedeće komisije za ocjenu uvjeta kandidata i podobnosti teme doktorske disertacije:

EKONOMSKI FAKULTET

3.2. Mr. Kenan Spaho: *Uticaj kulturoloških dimenzija na izbor strategije pregovaranja u projektnoj prodaji*.

FAKULTET ZDRAVSTVENIH STUDIJA

3.3. Mr. Namik Trtak: *Procjena efikasnosti Schroth tretmana skolioza djece u odnosu na klasični kineziterapijski tretman*.

PRAVNI FAKULTET

- 3.4. Damir Vrdoljak, MA: *Compliance kao instrument preveniranja i sankcioniranja zloupotreba u privrednom poslovanju.*
- 3.5. Nedim Kulenović, MA: *Faktička ustavna promjena u teoriji i praksi ustavnog prava, sa posebnim osvrtom na ustav Bosne i Hercegovine.*

FAKULTET ZA UPRAVU

- 3.6. Mr. Emir Tahirović: *Uloga kulturnih politika u društvenom razvoju lokalnih zajednica u Bosni i Hercegovini.*

Jednoglasno je donesena odluka kojom se verificiraju izvještaji komisija za ocjenu uvjeta kandidata i podobnosti teme doktorske disertacije:

ARHITEKTONSKI FAKULTET

- 3.7. Mr. Amela Šljivić, dipl. ing. arh.: *Primjena lakih sklopivo-rasklopivih štapnih konstrukcija u arhitekturi.*

FILOZOFSKI FAKULTET

- 3.8. Đulđina Kurtović, MA: *Odnos svijesti i egzistencije u Kierkegaardovoj filozofiji.*
- 3.9. Sanda Hasagić, MA: *Prihvatanje i širenje stranih kultova u rimskoj provinciji Dalmaciji.*
- 3.10. Dženana Telalagić, MA: *Sintaksička struktura potvrdno-odričnih pitanja u engleskom i bosanskom/hrvatskom/srpskom jeziku.*

EKONOMSKI FAKULTET

- 3.11. Mia Mrgud, MA: *Principal-principal conflicts and minority shareholder protection in South-East Europe.*

MEDICINSKI FAKULTET

- 3.12. Verifikacija Izvještaja Komisije za ocjenu uvjeta kandidata mr. sc. Sanje Mišeljić i podobnosti teme doktorske disertacije pod naslovom *Uticao hidracionog statusa na varijabilnosti brzine pulsog vala nad aortom (PWV) kao markera kardiovaskularnog rizika kod pacijenata na hemodijalizi.*
- 3.13. Verifikacija Izvještaja Komisije za ocjenu uvjeta kandidata dr. Sabine Zukić i podobnosti teme doktorske disertacije pod naslovom *Povezanost srednjeg volumena trombocita i aktivnosti Von Willebrand-ovog faktora sa oksidativnim statusom pacijenata sa vaskularnim komplikacijama diabetes mellitus-a tip 2.*

PRAVNI FAKULTET

- 3.14. Verifikacija Izvještaja Komisije za ocjenu uvjeta kandidata mr. Aide Hadžialić i podobnosti teme doktorske disertacije pod naslovom *Ugovor o forfetingu.*
- 3.15. Verifikacija Izvještaja Komisije za ocjenu uvjeta kandidata mr. Dejana Davidovića i podobnosti teme doktorske disertacije pod naslovom *Prava manjinskih dioničara i mehanizmi njihove zaštite – pravni okvir i primjena u Federaciji Bosne i Hercegovine.*
- 3.16. Verifikacija Izvještaja Komisije za ocjenu uvjeta kandidata mr. Emine Dlakić-Gadžun i podobnosti teme doktorske disertacije pod naslovom *Naknada štete u postupcima javnih nabavki u Bosni i Hercegovini.*

CENTAR ZA INTERDISCIPLINARNE STUDIJE

- 3.17. Verifikacija Izvještaja Komisije za ocjenu uvjeta kandidata mr. Slađane Milin i podobnosti teme doktorske disertacije pod naslovom *Rodna podjela rada: Svakodnevne aktivnosti (ne)zaposlenih žena u BiH*.

Jednoglasno su donesene odluke kojima se obrazuju komisije za ocjenu doktorskih disertacija:

FAKULTET ZDRAVSTVENIH STUDIJA

- 3.18. Mr. Hadžan Konjo: *Prediktori kvaliteta života osoba treće životne dobi poslije ugradnje totalne endoproteze kuka*.
- 3.19. Mr. Dženana Hrustemović: *Psihofizičko zdravlje pacijenata s koronarnom bolešću nakon tretmana revaskularizacije miokarda*.
- 3.20. Mr. Adnan Mujezinović: *Učestalost faktora rizika masovnih nezaraznih bolesti kod studentske populacije Univerziteta u Zenici*.
- 3.21. Mr. Nizama Rudić-Aliefendić: *Uticaj hroničnih masovnih nezaraznih bolesti na kvalitet života lica treće životne dobi*.
- 3.22. Mr. Slavica Janković: *Procjena efikasnosti Tae Bo vježbi na kvalitetu života osoba sa osteoporozom*.
- 3.23. Mr. Nino Hasanica: *Evaluacija metoda zdravstvenog odgoja u formiranju znanja, stavova i ponašanja školske djece prema zdravlju*.

FILOZOFSKI FAKULTET

- 3.24. Mr. Enes Omerović: *Nacionalne manjine u Bosni i Hercegovini (1918–1941)*.
- 3.25. Edin Veletovac, MA: *Provincija Dalmacija u doba ostrogotske prevlasti i vladavine Justinijana (493.–565. god.)*.
- 3.26. Linda Prugo-Babić, MA: *Kritičkodiskursni pristup prevođenju ruske književnosti u Bosni i Hercegovini*.

GRAĐEVINSKI FAKULTET

- 3.27. Mr. Hata Milišić: *Terenska i numerička istraživanja koeficijenta uzdužne turbulentne disperzije u transportnim procesima otvorenih vodotoka*.

PRAVNI FAKULTET

- 3.28. Obrazovanje Komisije za ocjenu doktorske disertacije kandidata Emine Hasanagić, MA, pod naslovom *Mjere zapošljavanja u pravnom sistemu Evropske unije*.

PRIRODNO-MATEMATIČKI FAKULTET

- 3.29. Obrazovanje Komisije za ocjenu doktorske disertacije kandidata Sabine Žero, MA, pod naslovom *Biopristupačnost metalai zpm10 frakcije čestične tvari zraka*.

Jednoglasno su donesene odluke kojim se obrazuju komisije za odbranu doktorskih disertacija:

FAKULTET POLITIČKIH NAUKA

- 3.30. Dražen Barbarić, MA: *Metapolitizacija prostora: prilog dekonstrukciji prostornih diskursa i praksi*.

FILOZOFSKI FAKULTET

- 3.31. Mr. Elmedina Duranović: *Drumsko razbojništvo u srednjovjekovnoj Bosni prema dubrovačkim izvorima*.

3.32. Mr. Đenita Tuće: *Osobne i okolinske odrednice samopoštovanja kod adolescenata.*

PRAVNI FAKULTET

3.33. Obrazovanje Komisije za odbranu doktorske disertacije kandidata mr. Jasmine Ćosić pod naslovom *Ispitivanje svjedoka u krivičnom postupku.*

Jednoglasno su usvojeni izvještaji o toku i rezultatu odbrane doktorskih disertacija:

FILOZOFSKI FAKULTET

3.34. Enes Dedić, MA: *Bosansko kraljevstvo i Srpska despotovina (1402–1459. godine).*

Jednoglasno su donesene odluke za obrazovanje komisije za ocjenu radne verzije projekta doktorske disertacije:

EKONOMSKI FAKULTET

3.35. Mr. Emir Kurtić: *Development and construction of an employee coachability measure.*

3.36. Goran Pejaković, MA: *Utjecaj strukture i obilježja upravljačkih i nadzornih organa zdravstvenih ustanova u BiH na njihove poslovne performanse.*

FILOZOFSKI FAKULTET

3.37. Data je saglasnost na izmjenu mentora pri izradi doktorske disertacije kandidata Dženana Dautovića, MA, pod naslovom: *Bosna i Rimska kurija u srednjem vijeku.*

MEDICINSKI FAKULTET

3.38. Donesena je odluka o neprihvatanju Izvještaja Komisije za ocjenu uvjeta kandidata mr. sc. Lejle Imširije-Idrizbegović i podobnosti teme doktorske disertacije pod naslovom *Koncentracije progesterona, aldosterona i topljivog receptora za placentarni faktor rasta u krvi trudnica sa preeklampsijom.*

Ad-4.

a) Nastavni planovi i programi

- Data je saglasnost Šumarskom fakultetu Univerziteta u Sarajevu na izmjene i dopune nastavnih planova i programa prvog i drugog ciklusa studija za odsjek Šumarstvo.
- Data je saglasnost Stomatološkom fakultetu sa klinikama Univerziteta u Sarajevu na izmjene nastavnog plana i programa integriranog studija prema bolonjskom sistemu studija u dijelu koji se odnosi na izmjenu silabusa iz nastavnog predmeta *Patofiziologija.*
- Data je saglasnost Fakultetu za kriminalistiku, kriminologiju i sigurnosne studije Univerziteta u Sarajevu na program cjeloživotnog učenja pod nazivom „Ljetna škola: Obrada lica mjesta krivičnog djela“.
- Prihvaćeno je proširenje unutarne liste izbornih predmeta na drugom ciklusu studija Odsjeka za sociologiju, u skladu sa Odlukom Vijeća Filozofskog fakulteta Univerziteta u Sarajevu broj: 02-01/75 od 02. 03. 2017. godine.
- Prihvaćena je lista izbornih predmeta Pravnog fakulteta Univerziteta u Sarajevu, u skladu sa Odlukom Vijeća Pravnog fakulteta Univerziteta u Sarajevu broj: 01-154/17 od 01. 02. 2017. godine.

Z A K L J U Č A K

Liste izbornih predmeta koji će se izvoditi na fakultetima i akademijama Univerziteta u Sarajevu trebaju se, putem vijeća, dostaviti Senatu Univerziteta u Sarajevu na početku studijske godine.

b) Realizacija konkursa za upis kandidata na treći ciklus studija (doktorski studij)

- Prihvata se konačna lista kandidata koji su stekli pravo na upis na treći ciklus studija (doktorski studij) za sljedeće oblasti: *kriminalistika*, *kriminologija* i *sigurnosne studije* na Fakultetu za kriminalistiku, kriminologiju i sigurnosne studije Univerziteta u Sarajevu u studijskoj 2016/2017. godini.
- Prihvata se konačna lista kandidata koji su stekli pravo na upis na treći ciklus studija (doktorski studij) na Pravnom fakultetu Univerziteta u Sarajevu u studijskoj 2016/2017. godini.
- Prihvata se konačna lista kandidata za upis na treći ciklus studija (doktorski studij) „Poljoprivredne nauke“ i „Prehrambene tehnologije“ na Poljoprivredno-prehrambenom fakultetu Univerziteta u Sarajevu u studijskoj 2016/2017. godini.

ZAKLJUČAK

1. Senat Univerziteta u Sarajevu upućuje opomenu i podsjeća dekane Fakulteta za kriminalistiku, kriminologiju i sigurnosne studije, Poljoprivredno-prehrambenog fakulteta i Pravnog fakulteta Univerziteta u Sarajevu da se, u skladu sa članom 28. Pravila studiranja za treći ciklus studija na Univerzitetu u Sarajevu, konačne liste kandidata koji su stekli pravo na upis na treći ciklus studija (doktorski studij) dostavljaju Senatu na saglasnost najkasnije do početka nastave na trećem ciklusu studija.
2. Zadužuje se generalni sekretar i Služba za pravne poslove da, u skladu sa odredbama Zakona o visokom obrazovanju Kantona Sarajevo, Statuta Univerziteta u Sarajevu i Pravila studiranja za treći ciklus studija na Univerzitetu u Sarajevu, izrade instrukciju o procedurama i dinamici realizacije trećeg ciklusa studija (dokorskog studija) na Univerzitetu u Sarajevu.
3. Aktivnosti iz tačke 2. ovog zaključka potrebno je realizirati do sjednice Senata čije je održavanje planirano 26. 04. 2017. godine.

c)

ZAKLJUČAK

1. Odlaze se izjašnjavanje Senata Univerziteta u Sarajevu o Prijedlogu Vijeća Elektrotehničkog fakulteta Univerziteta u Sarajevu broj: 01-827/17 od 06. 03. 2017. godine kojim je utvrđena visina participacije troškova drugog ciklusa studija „Softver inženjering“ na Odsjeku za računarstvo i informatiku Elektrotehničkog fakulteta Univerziteta u Sarajevu u trajanju od jedne godine (dva semestra, 60 ECTS studijskih bodova), za redovni samofinansirajući studij, u iznosu od 6.000,00 KM.
2. Prijedlog Vijeća Elektrotehničkog fakulteta Univerziteta u Sarajevu iz tačke 1. ovog zaključka bit će razmotren i uvršten u konačan materijal koji će pripremiti Komisija za utvrđivanje cijene koštanja studija po studentu kao i visine školarina za samofinansirajuće, vanredne i DL studente na Univerzitetu u Sarajevu za studijsku 2017/2018. godinu.

Ad-5.

O D L U K A

Prihvata se Mišljenje Odbora za normativna pitanja, kao stručnog i savjetodavnog tijela Senata Univerziteta u Sarajevu, broj: 0105-1975/17 od 21. 03. 2017. godine o tekstu Prednacrtu Pravilnika o radu Univerziteta u Sarajevu, koji čini sastavni dio ove odluke.

O D L U K A

Prihvata se Inicijativa Odbora za normativna pitanja, kao stručnog i savjetodavnog tijela Senata Univerziteta u Sarajevu, broj: 0105-1974/17 od 21. 03. 2017. godine za završetak procedure donošenja općih akata o unutrašnjoj organizaciji i sistematizaciji radnih mjesta Univerziteta/organizacionih jedinica, koja čini sastavni dio ove odluke.

Ad-6.

O D L U K A

Usvaja se Plan rada Odbora za upravljanje kvalitetom na Univerzitetu u Sarajevu za 2017. godinu, koji čini sastavni dio ove odluke.

O D L U K A

Utvrđuje se Prijedlog Pravilnika o osiguranju kvaliteta Univerziteta u Sarajevu, koji čini sastavni dio ove odluke.

Prijedlog Pravilnika iz člana I ove odluke dostavit će se, putem Odbora za normativna pitanja, kao stručnog i savjetodavnog tijela Senata Univerziteta u Sarajevu, Upravnom odboru Univerziteta u Sarajevu na konačno odlučivanje.

O D L U K A

I

Pokreće se postupak 5. interne institucionalne evaluacije Univerziteta u Sarajevu.

II

Imenuje se Tim za provođenje postupka 5. interne institucionalne evaluacije Univerziteta u Sarajevu u sljedećem sastavu:

1. prof. dr. Maida Čohodar-Husić, prorektorica za kvalitet Univerziteta u Sarajevu (predstavnica menadžmenta),
2. doc. dr. Elvedin Hasović, Prirodno-matematički fakultet Univerziteta u Sarajevu,
3. prof. dr. Almir Mašala, Fakultet sporta i tjelesnog odgoja Univerziteta u Sarajevu,
4. doc. dr. Jasmina Selimović, Ekonomski fakultet Univerziteta u Sarajevu,
5. doc. dr. Arzija Pašalić, Fakultet zdravstvenih studija Univerziteta u Sarajevu,
6. doc. dr. Dušanka Bošković, Elektrotehnički fakultet Univerziteta u Sarajevu,
7. doc. dr. Kanita Imamović-Čizmić, Pravni fakultet Univerziteta u Sarajevu,
8. doc. dr. Elmedin Selmanović, direktor Univerzitetskog tele-informatičkog centra,
9. Mirela Mujović, student drugog ciklusa studija, predstavnik studenata,

10. Lejla Muminović, dipl. ing. maš., stručna saradnica za poslove kvaliteta (predstavnic administrativnog osoblja Univerziteta u Sarajevu), i
11. Adnan Kafedžić, prof., stručni saradnik za poslove kvaliteta (predstavnik administrativnog osoblja Univerziteta u Sarajevu).

III

Zadatak Tima iz člana II ove odluke je provođenje postupka 5. interne institucionalne evaluacije Univerziteta u Sarajevu.

O D L U K A

I

Daje se *saglasnost* na uspostavu sistema osiguranja i sistema upravljanja kvalitetom na Univerzitetu u Sarajevu.

II

Ova odluka stupa na snagu datumom donošenja i dostavlja se Upravnom odboru Univerziteta u Sarajevu na konačno odlučivanje.

Ad-7.

Z A K L J U Č A K

1. Utvrđuje se Nacrt teksta Pravilnika o zaštiti stečenih prava u pogledu akademskih titula, naučnih i stručnih zvanja na Univerzitetu u Sarajevu.
2. Javna rasprava održat će se na svim organizacionim jedinicama Univerziteta u Sarajevu počevši od 30. 03. 2017. godine i trajat će do 10. 04. 2017. godine.
3. Ovlašćuje se Komisija za izradu Nacrta teksta Pravilnika o zaštiti stečenih prava u pogledu akademskih titula, naučnih i stručnih zvanja na Univerzitetu u Sarajevu, imenovana Odlukom Senata Univerziteta u Sarajevu broj: 01-514/15 od 28. 01. 2015. godine, da nakon provedene javne rasprave sačini prijedlog teksta koji sadrži primjedbe, prijedloge i mišljenja iznesena u javnoj raspravi, kao i da dâ obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi teksta Pravilnika o zaštiti stečenih prava u pogledu akademskih titula, naučnih i stručnih zvanja na Univerzitetu u Sarajevu i to u roku ne dužem od 7 (sedam) radnih dana od dana okončanja trajanja javne rasprave.
4. Nakon okončanja aktivnosti iz tačke 3. ovog zaključka, prijedlog teksta Pravilnika o zaštiti stečenih prava u pogledu akademskih titula, naučnih i stručnih zvanja na Univerzitetu u Sarajevu prosljedit će se Odboru za normativna pitanja na davanje mišljenja.

Ad-8.

Z A K L J U Č A K

1. Prihvata se Izvještaj Komisije za utvrđivanje prijedloga izmjena i dopuna Jedinstvenog pravilnika o plaćama i naknadama osoblja Univerziteta u Sarajevu sa tekstom prijedloga izmjena i dopuna Jedinstvenog pravilnika od 20. 03. 2017. godine.

2. Javna rasprava održat će se na svim organizacionim jedinicama Univerziteta u Sarajevu počevši od 30. 03. 2017. godine i trajat će do 10. 04. 2017. godine.
3. Ovlašćuje se Komisije za utvrđivanje prijedloga izmjena i dopuna Jedinog pravilnika o plaćama i naknadama osoblja Univerziteta u Sarajevu, imenovana Odlukom Senata Univerziteta u Sarajevu broj: 01-1326/17 od 22. 02. 2017. godine, da nakon provedene javne rasprave sačini prijedlog teksta koji sadrži primjedbe, prijedloge i mišljenja iznesena u javnoj raspravi, kao i da dâ obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi prijedloga izmjena i dopuna Jedinog pravilnika o plaćama i naknadama osoblja Univerziteta u Sarajevu i to u roku ne dužem od 3 (tri) radna dana od dana okončanja trajanja javne rasprave i isti dostavi Senatu Univerziteta u Sarajevu na daljnje postupanje.

Ad-9.

ODLUKA

I

Imenuje se Komisija za utvrđivanje cijene koštanja studija po studentu kao i visine školarina za samofinansirajuće, vanredne i DL studente na Univerzitetu u Sarajevu u sljedećem sastavu:

1. prof. dr. Hajrija Sijerčić-Čolić, predsjednica Grupacije društvenih nauka,
2. prof. dr. Salih Fočo, predsjednik Grupacije humanističkih nauka,
3. prof. dr. Almira Hadžović-Džuvo, predsjednica Grupacija medicinskih nauka,
4. prof. dr. Samir Čaušević, predsjednik Grupacija tehničkih nauka,
5. prof. dr. Naris Pojskić, predsjednik Grupacije prirodno-matematičkih i biotehničkih nauka, i
6. prof. dr. Mersad Čuljević, predsjednik Grupacije umjetnosti.

Sjednicama će prisustvovati prof. dr. Željko Šain, prorektor za finansije Univerziteta u Sarajevu.

II

Obaveza Komisije iz tačke I ove odluke je da usaglašeni tekst prijedloga visine cijena koštanja studija po studentu i visine školarine za samofinansirajuće, vanredne i DL studente na Univerzitetu u Sarajevu dostavi Senatu za sjednicu koja će se održati 26. 04. 2017. godine.

Ad-10.

ODLUKA

I

Utvrđuje se Prijedlog izmjena i dopuna Spiska akademskih titula, naučnih i stručnih zvanja koja se mogu stjecati na visokoškolskim ustanovama u Kantonu Sarajevo, koje se odnose na Univerzitet u Sarajevu, a koji čini sastavni dio ove odluke.

II

Prijedlog izmjena i dopuna Spiska akademskih titula, naučnih i stručnih zvanja iz tačke I ove odluke upućuje se Ministarstvu za obrazovanje, nauku i mlade na daljnje postupanje.

III

Zadužuje se prof. dr. Aida Hodžić, prorektorica na nastavu i studentska pitanja Univerziteta u Sarajevu, da informira Senat o stepenu realizacije ove odluke.

IV

Zadužuje se Služba za nastavu Univerziteta u Sarajevu da kontinuirano ažurira izmjene i dopune Spiska akademskih titula, naučnih i stručnih zvanja koja se mogu stjecati na visokoškolskim ustanovama u Kantonu Sarajevo, koje se odnose na Univerzitet u Sarajevu.

V

Ova odluka stupa na snagu datumom donošenja.

Ad-11.

ZAKLJUČAK

Senat Univerziteta u Sarajevu prima k znanju Registar studijskih programa Univerziteta u Sarajevu.

Registar studijskih programa Univerziteta u Sarajevu bit će objavljen na web stranici Univerziteta u Sarajevu.

Zadužuje se Služba za nastavu da u saradnji sa Službom za pravne poslove kontinuirano ažurira izmjene i dopune Registra studijskih programa Univerziteta u Sarajevu.

Ad-12.

ZAKLJUČAK

19. Senat Univerziteta u Sarajevu je upoznat sa dopisom Ministarstva za obrazovanje, nauku i mlade Kantona Sarajevo broj: 11-05-38-sl/17 od 10. 03. 2017. godine.
20. Senat daje preporuku da se studenti, saradnici i nastavnici Univerziteta u Sarajevu u postupku izrade završnih radova na prvom i drugom ciklusu studija, izrade doktorskih disertacija, pisanja knjiga, radova (naučnih, stručnih), elaborata i ostalih autorskih djela pridržavaju uputa o sprečavanju plagijarizma utvrđenih Odlukom Senata Univerziteta u Sarajevu broj: 01-38-4512/14 od 26. 11. 2014. godine.
21. Senat naglašava potrebu da se tokom cijelog obrazovnog procesa treba djelovati na podizanju svijesti o štetnosti i konsekvenci koje plagijarizam generira, te u tom smislu predlaže da svi nastavnici, prilikom upoznavanja sa sadržajem predmeta na prvom času nastave, te mentori na završnim i doktorskim radovima, upoznaju studente o tome šta se smatra plagijatom i kakve su njegove štetne posljedice.
22. Senat je upoznat sa informacijom o toku implementacije projekta „Enhancement of the HE Research Potential Contributing to Further Growth of the WBC Region“, koji je započeo u oktobru 2015. god. i koji će trajati tri godine. Pored Univerziteta u Sarajevu, čiji je koordinator prof. dr. Senada Kalabušić, ovim projektom je okupljeno osam univerziteta iz zemalja Zapadnog Balkana i Centar za promociju nauke iz Beograda, te univerziteta EU zemalja: Coventry university, Univerzitet u Liegu i Univerzitet u Torinu. U okviru realizacije projekta u toku je nabavka kompjuterske opreme i kupovina licence za detekciju plagijata, koji će biti smješteni na Prirodno-matematičkom fakultetu Univerziteta u Sarajevu. Nabavkom licence bit će omogućena provjera do 600 dokumenata godišnje u naredne tri godine. Provjera obuhvata upoređivanje sa: naučnim radovima publiciranim u časopisima sa pretplatom na Elsevier, Springer, Wiley, Blackwell, IEEE, Taylor&Francis,

Sage, American Chemical Society, MIT press, Oxford University press, sadržajima koji nude vodeći agregatori kao što su: ProQuest, Emerald, EBSCO, PubMed, sadržajima *open access* časopisa publiciranih na webu, te sadržajima na web stranicama.

Ad-13.

ZAKLJUČAK

23. Senat Univerziteta u Sarajevu prima k znanju listu nedostajućih općih akata na Univerzitetu u Sarajevu, koja čini sastavni dio ovog zaključka.

24. Zadužuje se generalni sekretar i Služba za pravne poslove da pristupe izradi nedostajućih općih akata na Univerzitetu u Sarajevu, te da se isti upute Odboru za normativna pitanja na davanje mišljenja.

Ad-14.

Data je saglasnost na potpisivanje sporazuma o saradnji između Univerziteta u Sarajevu i Papinskog lateranskog univerziteta (Vatikan).

Ad-15.

a) Usvojen je Izvještaj Komisije za provođenje postupka stručnog priznavanja inozemnih visokoškolskih kvalifikacija broj: 0101-2022/17 od 22. 03. 2017. godine.

b) O D L U K A

O PONIŠTENJU PRVOSTEPENOG RJEŠENJA PO ŽALBI I VRAĆANJU PREDMETA NA PONOVI POSTUPAK

Žalba podnosioca Miloša Stankovića se uvažava. Rješenje Filozofskog fakulteta Univerziteta u Sarajevu broj: 03-10/3 od 12. 01. 2017. godine se poništava i predmet se vraća prvostepenom tijelu na ponovni postupak. Filozofski fakultet Univerziteta u Sarajevu je obavezan da u roku od 15 dana donese novo rješenje.

Ad-16.

Senat Univerziteta u Sarajevu je na svojoj sjednici održanoj 29. 03. 2017. godine upoznat sa dopisom Sarajevskog otvorenog centra u kojem se od Univerziteta u Sarajevu traži da dostavi informacije o tome šta je Univerzitet poduzeo u vezi sa predmetom „Zahtjev za reakciju na homofobne i diskriminatorne izjave, te zamjenu predsjednika Studentskog parlamenta Univerziteta u Sarajevu Harisa Zahiragića“, a koji je Univerzitetu dostavljen u martu 2016. godine.

Na navedenoj sjednici Senat Univerziteta u Sarajevu je zauzeo jedinstven stav kojim se osuđuje bilo kakav javni istup i djelovanje koje narušava ljudska prava i dostojanstvo, pa samim tim se osuđuje i nastup u kojima se vrijeđa lično dostojanstvo LGBT osoba.

Univerzitet u Sarajevu je uvijek podržavao i bio promotor ljudskih prava, podsticao na tolerantnost i međusobno uvažavanje, insistirajući na pravičnosti i ravnopravnosti bez obzira na nacionalnu, rasnu, spolnu pripadnost, imovinsko stanje, porijeklo, invalidnost, porodični status i sl.

Univerzitet u Sarajevu čvrsto stoji na uvjerenjima definiranim Etičkim kodeksom Univerziteta u Sarajevu u kojem, kako je u Vašem dopisu i citirano:

„Načelo jednakosti i pravednosti čini osnov ponašanja svakog člana/članice Univerziteta i podrazumijeva isključenje svakog vida diskriminacije, zlostavljanja, iskorištavanja ili uznemiravanja.“

Također, koristimo priliku da vas informiramo da Senat Univerziteta u Sarajevu nema mandat da pokreće proceduru smjene predsjednika Studentskog parlamenta Univerziteta u Sarajevu gosp. Harisa Zahiragića, jer ga ovo tijelo nije ni biralo. U skladu sa članom 31. Zakona o studentskom organiziranju na području Kantona Sarajevo („Službene novine Kantona Sarajevo“, br. 11/10), predsjednika studentskog parlamenta visokoškolske ustanove biraju članovi skupštine studentskog parlamenta visokoškolske ustanove na konstituirajućoj sjednici iz reda članova skupštine.

Ad-17.

ODLUKA

Data je saglasnost na izmjene Akademskog kalendara Univerziteta u Sarajevu sa kalendarom aktivnosti organizacije i realizacije studijskih programa na Univerzitetu u Sarajevu u studijskoj 2016/2017. godini.

Ova odluka stupa na snagu datumom donošenja i objavit će se na web stranici Univerziteta u Sarajevu.

Ad-18.

Informacije

- a) Senat je upoznat i primio k znanju dopis Ministarstva za obrazovanje, nauku i mlade Kantona Sarajevo broj: 11-05-38-sl/17 od 21. 02. 2017. godine upućen Pedagoškom fakultetu, Akademiji likovnih umjetnosti, Fakultetu sporta i tjelesnog odgoja i Muzičkoj akademiji Univerziteta u Sarajevu.

Sjednica je završena u 15:55 sati.

Rektor

Prof. dr. Rifat Škrijelj, s. r.

Zapisničar:

Alma Voloder-Madacki, s. r.